



Broj: 05/2-50-13-348-1/14  
Sarajevo, 1.4.2014. godine

## Z A P I S N I K

### **konstituirajuće sjednice Odbora za žalbe građana na rad policijskih službenika u policijskim tijelima Bosne i Hercegovine**

Sjednica je održana 31.3.2014., s početkom u 11 sati.

**Prisutni članovi Odbora za žalbe građana:** Vjekoslav Vuković, predsjednik, Bakir Dautbašić, prvi zamjenik predsjednika, Borislav Radić, drugi zamjenik predsjednika, Semir Šut, Tihomir Marinčić, Negosava Stjepanović i Aleksandra Martinović.

**Ostali prisutni:** Alma Tajić-Kurto, sekretar Odbora za žalbe građana, Aida Kreho, stručna savjetnica u Zakonodavno-pravnom sektoru, Ljerka Bojić, rukovodilac Sektora za ostala parlamentarna tijela, i Zoran Brkić iz Sektora za odnose s javnošću u Sekretarijatu Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

## D N E V N I R E D

1. Konstituiranje Odbora za žalbe građana Parlamentarne skupštine BiH;
2. Upoznavanje s radom Odbora za žalbe građana Parlamentarne skupštine BiH, *mandatni period 2009.-2013. godina*;
3. Dogovor o radu Odbora za žalbe građana Parlamentarne skupštine BiH;
4. Tekuća pitanja.

Dnevni red jednoglasno je usvojen.

### **Ad. 1. Konstituiranje Odbora za žalbe građana Parlamentarne skupštine BiH**

U okviru ove tačke dnevnog reda Vjekoslav Vuković predstavio je članove Odbora, te im poželio uspješan rad u narednom periodu.

## **Ad. 2. Upoznavanje s radom Odbora za žalbe građana Parlamentarne skupštine BiH, mandatni period 2009.-2013. godina**

Borislav Radić je ukratko prezentirao rad Odbora za žalbe građana Parlamentarne skupštine BiH u mandatnom periodu 2009.-2013. godine, pri čemu je istakao teškoće koje su postojale u pogledu pozicioniranja Odbora spram policijskih tijela Bosne i Hercegovine. Predstavio je način rada Odbora po predstavkama građana, uz napomenu da su sjednice Odbora uglavnom bile zatvorene za javnost zbog činjenice da su u predstavkama bili sadržani lični podaci.

Na osnovu iskustva, zaključio je da novi Odbor treba raditi na jačanju svoje javne prezentacije građanima.

## **Ad.3. Dogovor o radu Odbora za žalbe građana Parlamentarne skupštine BiH**

U okviru ove tačke dnevnog reda razmatrano je nekoliko pitanja bitnih za budući rad Odbora i to kako slijedi:

### **a) Termin održavanja sjednica Odbora**

U vezi s terminom održavanja sjednice Odbora Borislav Radić istakao je da sjednice nisu održavane petkom.

Aleksandra Martinović zatražila je da se sjednice ne održavaju utorkom, jer se ovim danom održavaju sjednice Ustavnog suda Federacije BiH.

Nakon rasprave u okviru ove tačke dnevnog reda usvojen je sljedeći

### **Zaključak**

Sjednice Odbora održavat će se najmanje jednom mjesečno, a zakazivat će se u skladu s dinamikom pristizanja predstavki građana.

Prilikom zakazivanja sjednica Odbora vodit će se računa, ako to prilike budu dozvoljavale, da se održavaju ponedjeljkom, srijedom ili četvrtkom.

### **b) Saradnja s drugim institucijama**

Vjekoslav Vuković upoznao je prisutne s potrebom da se unaprijedi saradnja s policijskim tijelima Bosne i Hercegovine koja imaju jedinice za profesionalne standarde, te da u tom pravcu u narednom periodu treba organizirati posjete ovim jedinicama. Također, postoji potreba da se ostvari i snažnija saradnja s Nezavisnim odborom Parlamentarne skupštine BiH, te sličnim odborima na nivou entiteta Bosne i Hercegovine.

Vjekoslav Vuković pozvao je pristune da razmisle o ovim prijedlozima kako bi se na narednoj sjednici o njima mogli očitovati.

### **c) Primopredaja dokumentacije**

Utvrđeno je da se u dogovoru s Matom Miletićem, predsjednikom Odbora za žalbe građana u mandatnom periodu 2009.-2013. godina, dogovori datum primopredaje dokumentacije i predmeta novom predsjedniku Odboru za žalbe građana Vjekoslavu Vukoviću.

#### **d) Izmjene i dopune Poslovnika o radu Odbora za žalbe građana**

Vjekoslav Vuković pozvao je članove Odbora da do naredne sjednice pripreme prijedloge za izmjene i dopune Poslovnika o radu Odbora za žalbe građana u mjeri i obimu koji oni smatraju svrsishodnim.

#### **e) Pristup tajnim podacima stepena tajnosti VRLO TAJNO**

S obzirom da jedan broj članova Odbora nema dozvolu za pristup tajnim podacima stepena tajnosti VRLO TAJNO, a kako bi se tokom rada na predstavkama mogao pred članovima Odbora naći i dokument s ovom oznakom tajnosti, zaključeno je da će do naredne sjednice biti utvrđeno na koji način će se pokrenuti procedura da svi članovi Odbora dobiju navedenu dozvolu.

U vezi s ovim pitanjem Vjekoslav Vuković upoznao je prisutne da će, s ciljem zaštite ličnih i tajnih podataka s kojima će raspolagati u toku mandata, potpisati izjavu kojom će garantirati zaštitu ovih podataka.

Sjednica je završena u 11.55 sati.

Sekretar  
Odbora za žalbe građana  
Alma Tajić-Kurto

Predsjednik  
Odbora za žalbe građana  
Vjekoslav Vuković